

Horrendum fremuit princeps, et filia dulcis
More suo profugum suscepit Gallia Patrem.
Si licuisset ei (pro certo crede,) sub ipso
Virtus, et pietas, et honestas cresceret omnis;
Et pax Ecclesiæ toto floreret in orbe.
Nam rapuit mors atra virum, cum pontificatus
Vix ageret primum pastor venerabilis annum.
Bina dies jam restabat, cum Cluniacensi
Dormiit in proprio Romanj juris asylo.
Hic igitur positus dilectos inter alumnos,
Cum Patribus sanctis requiescit; et optat ut orbis
Cenditor, et judex veniat quandoque potenter,
Et cineres lapsos in pristina membra reformat.
Felix inde nimis semper Cluniace manebis,
Quod Pater orbis apostolicusque, summusque sa-

[cerdos]

A Ecclesiæ, matrisque tuæ specialis, apud te
Transiit ad superos, in te requiescit humatus.
Nec minus hic etiam felicem credimus illum,
Cui dedit ipse pius magno pro munere Christus,
Ut monachi monachum, Patrem quoque pignora

[chara]

Jugiter aspicerent, lacrymisque rigando sepul-

[crum, -]

Sacris in precibus specialem semper haberent.

Epitaphium Adefonsi episcopi.

Urbs est Hispanæ regionis, quam Salamancam
Indigenæ dicunt, hanc ordine pontificali
Rexit Adefonsus, tumulo præsente sepultus
Qui de concilio Remensi dum remearet,
Hic finem fecit pariter vitæque viæque.

EJUSDEM PETRI EPISTOLA

AD DOMNUM PETRUM ABBATEM CLUNIACENSEM.

Reverentissimo domino ac dulcissimo Patri suo
PETRO sanctæ Cluniacensis Ecclesiæ abbati, PETRUS
Pictaviensis peccator et infirmus monachus, quid-
quid optimo Patri devotissimus filius.

Vidi, Pater charissime, inspexique libellum stu-
diosius, qui vix aliquo temporis intervallo de manu
mea recedens, quanto frequentius legitur, tanto
amplius legentis animum trahit: quanto subtilius
discutitur, tanto dulcior sapit. Et, o scriptura, om-
nifaria laude dignissima! quæ, ut Flaccus ille
ait:

Judicis argutum nusquam formidat acumen

(HORAT. *De art poet.*, vers. 364),

fons sapientiæ, fons eloquentiæ, fons eruditionis, om-
nes ingeniorum nostrorum lucernulas subito coru-
scantis eloquii fulgore reverberasti. Ego certe me
hactenus aliquid scire putabam. Jam vero, vir diser-
tissime, non solum mei similes, verum etiam omnes
nostri temporis, qui vel valent, vel se aliquid valere pu-
tant in litteris, in vestri comparatione quid sumus?
Vere ego cum vestra lucidissima, sapientissima, et
argutissima dicta respicio, ac deinde ad mea
inepta, puerilia et insulsa recurro valde quod me
aliquid unquam scire putaverim, erubesco. Et qui-
dem neveram jam diu est, universis Galliæ nostræ
philosophis, his maxime temporibus, quibus ad
occasum cuncta ruunt, sed et ipsa studia, vestri
acumen ingenii præminere. Verum ex quo præfa-
tum codicem vidi, non modo istis, quia parum
est, vestram excellentiam præfero, sed et quibus-
que anteriorum temporum perfectissimis eam com-
parare non dubito. Ita quippe omnium liberalium
disciplinarum scientiam vos assecutum videmus, ut
nisi ab illo, per quem dona scientiæ unicuique dis-
tribuuntur, cor vestrum occulta inspiratione jugi-

B ter illustrari sciremus, hominem pene adhuc pri-
mævum, et (quod mirabilius est) nostri sæculi ætate
quo funditus intermissa et emortua cernimus stu-
dia litterarum, tanta comprehendere potuisse, ul-
tra quam credi valeat, miraremur. Nam, ut de divi-
nis litteris taceam, quas utrumque Testamentum
memoriter retinendo, in promptu semper habetis,
quis unquam Plato subtilius, quis Aristoteles argu-
mentosius, quis Cicero pulchrior aut copiosius ali-
quando quidquam disseruit? Quis grammaticus ins-
tructior, quis rhetoricus ornatior, quis dialecticus
fortior, quis arithmeticus numerosior, quis geome-
tricus regularior, quis musicus cantilenosior, quis
astronomicus perspicacior existit? Sed et si de
sanctis Patribus aliquid dicere audeamus, vos ab
unoquoque quatuor fluminum paradisi, quæ post
sanctos evangelistas totum orbem irrigant, aliquid
simile reportatis, quia cum Hieronymo velox, cuius
Augustino profusus, cum Ambrosio profundus, cum
Gregorio clarus ineditis. Expercimini ergo, vir
eloquentissime, et fidelibus conservis doctrinæ ci-
baria, quibus certe cunctis decessoribus vestris
plenius abundatis, non solum loquendo, sed etiam
scribendo, erogare studete. Ita quippe non nobis
solummodo, verum quibusque remotissimis nec
præsentibus tantum, sed et futuri temporis Chri-
stianis multum prodesse valebitis, si more Patrum
vestrorum, prout vobis Spiritus divinus sugges-
tit, in sermonibus in epistolis, diversisque tracta-
tibus, tam præclari monumenta ingenii posteroru-
mum memoriarum relinquatis. Ad hoc enim sublimi
Ecclesiæ suæ specula sanctitatem vestram provi-
dentia superna constituit, quatenus per viam Sion
ad æternæ Jerusalem gaudia festinantes, ab infe-
stantium Babyloniorum incursionibus defendatis,

omnesque viatores erraticos, ad viæ regiæ semitam, A mus, jampridem mortui in suis sermonibus vivant: tota die et nocte non facendo, reducere valeatis. Date igitur operam, o magnum nostri sæculi decus, o clarum sidus mundo divinitus ortum, ne creditus vobis thesaurus inutiliter lateat, sed magis magisque nummulariis erogatus, pérque vestram industriam centuplicatus, nobis et vobis sublimem immortalitatis gradum acquirat. Seio me valde temerarium esse, quia taliter exhortari vos audeo, sed ignoscat mihi serenissimæ pietas, de qua multum præsumo. Nam quia Pater amantissime, jactantiam omni studio declinatis, non mediocriter timeo, ne forte quasi sub hac intentione nimium latere velitis. Providendum est, vir discretissime, ne dum laudari ab hominibus nimium fugitis, ea quibus a bono patre familias fidelis ille servus evangelicus plurimum laudari merebitur (*Matth. xxv.*) omittatis. Considerate, obsecro, quia sancti Patres nostri hujusmodi occasiones inveniendo nihil olim scripsissent, sed quamlibet bonam vitam inertii silentio transegissent, procul dubio nec tantos Deo populos acquisissent, nec apud nos modo tam celebrem, dulcemque memoriam habuissent. Scribendo autem, et Deo placere meruerunt per duplarem fructum sanctæ prædicationis, et cunctis post se venientibus exemplum præbuerunt piæ imitationis. Inde est quod tantum sui amorem fidei cordibus impresserunt, dum in eis Deus loquens attenditur, et doctrina sancti Spiritus honoratur. Fit autem divina gratia mirabiliter operante, ut dum charitatem Dei legentium vel audientium mentibus accendunt, ipsi etiam apud fideles Dei causa amoris ejus amabiles et desiderantissimi existant: quodque pia jucunditate admirari possu-

B et cum corporaliter non videantur, spiritualiter quotidie præsentiam suam nobis exhibeant. Verum quid facio ego, majestati vestræ talia persuadendo, et quasi rem difficultem vel alienam a personæ vestræ officio, verborum superfluitatibus extollendo cum scribendi studium speciali prærogativa Clunienses abbates a temporibus antiquis obtineant? Nec certe sola autoritate compelluntur ut scribant; sed et si non fecerint, sicut degeneres, multumque patriæ formæ dissimiles, necesse est erubescant. De quorum Patribus gloriosissimis solus ille pro exemplo nobis sufficiat, qui et prima civitatis nostræ fundamenta locavit, primusque tantæ reipublicæ princeps, primus tanti cœnobii Pater, primus tantorum in Christo filiorum genitor et nutritor esse promeruit. Odonem dico beatissimum, vitæ sanctitate præcipuum, doctrina et miraculis gloriosum. Qui quoniam non solum apud nos sed et per omnes pene Latinitatis ecclesias, maxime ob istiusmodi studia celeberrimus esse dignoscitur cunctis successoribus suis hujus officii gratianjure hæreditario transmisso suoque principio quasi dedicasse videtur. Quod si quosdam eorum nihil penitus scripsisse objicitis, excusatur Heimardus cum utroque Hugone: quibus videlicet illa eruditionis perfectio defuit. Excusatur Maiolus, quia fortassis ad hoc vacuum tempus non habuit. Vos autem quam excusationem affertis, qui, si istis comparemini, solus inter eos linguam habetis? Orante pro me beatitudinem vestram Deus misericors et omnipotens hic et in æternum custodiat, domine sancte, meritoque venerabilis et dilectissime Pater.

PETRI VENERABILIS⁽¹⁾ EPISTOLARUM LIBRI SEX⁽²⁾.

(Biblioth. Clun., 621.)

LIBER PRIMUS.¹

EPISTOLA PRIMA.

Summo Ecclesiæ Dei Pastori, et nostro speciali Patri domino papæ INNOCENTIO (3), frater PETRUS,
ANDREÆ CHÈSNII NOTÆ:

(1) *Petri Venerabilis.* Petrus hic Arvernus natione, sed qua de familia creatus non liquet. Mona-

D humilis Cluniacensium abbas, devotissimæ humilitatis obsequium.

Dominus Burdegalensis archiepiscopus (4) inter-

chus enim Pictaviensis, Petrus et ipse nomine, cuius opuscula quædam exstant in hac bibliotheca;

patrem

mus juxta fidem et testimonium Chronici Cluniacensis. Opera omnia Petri Venerabilis in epistolas,

sermones

(4) *Dominus Burdegalensis archiepiscopus,* Gaufridus, ad quem ep. 42, lib. iv, ubi plura de eo.

(5) *Domino papæ Innocentio.* Hujus nominis secundo, qui electus est anno 1130 et ad quem sæpius alias scribit libris, i, ii, iii et iv.